

# ხელშეკრულება საქონლის სახელმწიფო შესყიდვების შესახებ №1101/10/074

10 ოქტომბერი 2011 წ.

ჩვენ, ქვემოთ ხელმომწერნი, ერთის მხრივ: ქ. თბილისის დიდგორის რაიონის გამგეობა, მდებარე: ქ. თბილისი, წყნეთი, დ. ამილახვარის ქ. №27ა, გამგებლის – გიორგი ნიკოლაძის სახით, შემდგომში წოდებული “შემსყიდველი” და მეორეს მხრივ: სარეკლამო სააგენტო „მი-მი-ნო“, მდებარე: ქ. თბილისი, ლესელიძის ქ. №20, მისი გენერალური დირექტორის დ. შიმშილაშვილის სახით შემდგომში წოდებული “მიმწოდებელი”, ვალებთ წინამდებარე ხელშეკრულებას შემდეგზე:

## 1. ხელშეკრულების საგანი

ხელშეკრულების საგანია: დიდგორის რაიონის გამგეობისათვის აბრის (1 ცალი) შექმნის სახელმწიფო შესყიდვის განხორციელება გამარტივებული შესყიდვის საშუალებით ხელშეკრულებით განსაზღვრული პირობების საფუძველზე.

## 2. ხელშეკრულების ობიექტი

„მიმწოდებელი“ ვალდებულია გადასცეს „შემსყიდველს“ დიდგორის რაიონის გამგეობისათვის აბრის (1 ცალი) შექმნა ხელშეკრულებით გათვალისწინებულ ვადებში.

## 3. შესყიდვის ობიექტის მიწოდების ვადები და ადგილი

- 3.1. საქონლის მიწოდების თარიღად ითვლება: 2011 წლის 10 ოქტომბრიდან 31 ოქტომბრის ჩათვლით.
- 3.2. საქონლის მიწოდების ადგილი: ქ. თბილისი, წყნეთი, დ. ამილახვარის ქ. №27ა;

## 4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი, ჩაითვლება მიღებულად მხოლოდ ანგარიშ-ფაქტურისა და მიღება-ჩაბარების აქტის წარმოდგენის შემდეგ.
- 4.2. შესყიდვის ობიექტის მიღების დროს და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს “მიმწოდებელი”.
- 4.3. “შემსყიდველი” ვალდებულია ოპერატიულად, წერილობითი სახით, აცნობოს “მიმწოდებელს” საბოლოო შემოწმების შედეგები დაწუნებული საქონელის რაოდენობის და წუნდების მიზეზის მითითებით.

## 5. მხარეთა უფლება-მოვალეობანი

- 5.1. “შემსყიდველი” ვალდებულია:
  - გადაუხადოს “მიმწოდებელს” შეთანხმებული ფასი;
  - მიიღოს მიწოდებული საქონელი.
- 5.2. “შემსყიდველს” უფლება აქვს:
  - უკან დაუბრუნოს “მიმწოდებელს” მიწოდებული საქონელი, თუ მისი ხარისხი არ შეესაბამება სტანდარტებს და მოითხოვოს მისი თავიდან შესრულება.
- 5.3. “მიმწოდებელი” ვალდებულია:
  - გადასცეს “შემსყიდველს” ხელშეკრულებით გათვალისწინებული საქონელი დადგენილ ვადებში;
  - დაიცვას ხელშეკრულებით გათვალისწინებული ყველა პირობა;
- 5.4. “მიმწოდებელს” უფლება აქვს:

- მოსთხოვოს "შემსყიდველს" ხელშეკრულებით შეთანხმებული ფასი.

## 6. ხელშეკრულების საერთო ღირებულება

6.1 ხელშეკრულების საერთო ღირებულება შეადგენს 160.0 (ასსამოცი) ლარს. (ფასდათმობების, გადასახადების, ტრანსპორტირების, დღგ-ს და სხვა ფაქტორების გათვალისწინებით)

6.2 დაფინანსება განხორციელდება მუხლიდან: „ოფისის ხარჯები“.

## 7. ფასები

- 7.1. ხელშეკრულებაში წინასწარ შეთანხმებული ფასების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება, ან „შემსყიდველისათვის“ უარესდება ხელშეკრულების პირობები.
- 7.2. ცვლილებები შეიძლება განხორციელდეს მხოლოდ „საქართველოს სამოქალაქო კოდექსის“ 398-ე მუხლის თანახმად, აგრეთვე, იმ შემთხვევაში, თუ იქნება ინფლაციის მაღალი დონე, სავალუტო კურსის მნიშვნელოვანი ცვლილება, საგადასახადო რეჟიმის შეცვლა და სხვა გაუთვალისწინებელი გარემოებები.

## 8. ანგარიშსწორების პირობები

- 8.1. ანგარიშსწორების ფორმა იქნება: გადარიცხვა;
- 8.2. ანგარიშსწორების ვადა (გრაფიკი): საქონლის მიღების შემდეგ, 10 კალენდარულ დღეში მხარეთა მიერ მიღება-ჩაბარების აქტის გაფორმებისთანავე.
- 8.3. ანგარიშსწორების განხორციელებისათვის მიმწოდებელმა უნდა წარმოადგინოს, შემდეგი საბუთები: საგადასახადო ანგარიშშეაქტურა და მიღება-ჩაბარების აქტი.

## 9. მხარეთა პასუხისმგებლობა ხელშეკრულების პირობების დარღვევისას

- 9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად;
- 9.2. „შემსყიდველი“ უფლებამოსილია ხელშეკრულებით ნაკისრი ვალდებულებების შესრულების ვადების გადაცილების შემთხვევაში დააკისროს „მიმწოდებელს“ საურავი ყოველ გადაგადაცილებულ დღეზე დროულად შესასრულებელი საქონელის მიწოდების ღირებულების 0,1 პროცენტის ოდენობით;
- 9.3. გადახდის ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო ყოველ გადაგადაცილებულ დღეზე გადაუხდელი თანხის 0,1 პროცენტის ოდენობით;
- 9.4. თუ სახელშეკრულებო ვალდებულებების მოღიანი ან ნაწილობრივი შეუსრულებლობის პირობები გრძელდება 2 თვეზე მეტ ხანს მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის გარეშე.

## 10. ფორს-მაჟორული სიტუაციები

- 10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზღავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### 11. ხელშეკრულების ინსპექტირების პირობები

11.1. ხელშეკრულებით ნაკისრი ვალდებულებების შესრულების კონტროლს „შემსყიდველის“ მხრიდან ახორციელებს დიდგორის რაიონის გამგეობის აპარატის უფროსი შორენა ლომია და ინსპექტირების ჯგუფი.

### 12. დავები და მათი გადაწყვეტის წესი

- 12.1. მხარეთა შორის წარმოქმნილი ყველა დავა გადაწყდება ერთობლივი მოლაპარაკების საფუძველზე.
- 12.2. თუ მხარეებს შორის შეთანხმება ვერ მოხერხდა, დავა გადაწყდება სასამართლოს წესით.

### 13. ხელშეკრულების მოქმედების ვადა

ამ ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და ძალაშია 2011 წლის 31 ოქტომბრამდე.

### 14. სხვა პირობები

- 14.1. ხელშეკრულების ნებისმიერი ცვლილება ან დამატება ძალაშია მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ.
- 14.2. ხელშეკრულებით დაფიქსირებული ფასის ყოველი შეცვლა მხარეების მიერ ფორმდება დოკუმენტურად.
- 14.3. შესყიდვის ობიექტის მიღება ფორმდება მიღება-ჩაბარების აქტით, ხელშეკრულების მხარეების უფლებამოსილი წარმომადგენლების ხელმოწერით.

### 15. მხარეთა იურიდიული მისამართები და რეკვიზიტები

„შემსყიდველი“:

ქ. თბილისის დიდგორის რაიონის გამგეობა,  
ს/კ 204521954 ქ. თბილისი, წყნეთი,  
დ. ამილახვარის ქ. №27ა;  
ს/ს „ლიბერთი ბანკი“  
ცენტრალური ფილიალი  
ა/ა №GE95LBO125152101627000;  
ბ/კ 220101480;

გიორგი ნიკოლაძე

„მიმწოდებელი“:

სარეკლამო სააგენტო „მი-მი-ნო“ ქ. თბილისი,  
ლესელიძის №20  
ს.კ. 204380357 სს ბანკი „რესპუბლიკა“  
ბანკის ც/გ კოდი  
კოდი: REPGE22;  
ანგ.ნ: GE96BR00000151479080;

დ. შიმშილაშვილის